

Ammasumik ataatsimiinnermi oqaluuserisassat:

Imm. 1.1 Oqaluuserisassat akuersissutigineri

03. Aningaasaqarnermut tunngasut

Imm. 3.1 Illoqarfimmi takujuminarsaanissamut aningaasaliissutit 2020-mi atunngitsuukkanik 2021-mi missingersuutitut nuutitsinissaq pillugu – **tapiliussatut aningaasaliissutit**

Imm. 3.2 Ilassutitut aningaasaliineq, Kulturikkut illorsuarmik Nipilersornermik Ilinniarfimmik Atuakkanillu atorniartarfilerlugu alliliineq

Imm. 3.3 Suliniutip Inuunerissaarneq – Det gode liv-imut missingersuutitigut 2021-mut nuutisoqarsinnaanerani qinnuteqaat - **tapiissutitut aningaasaliissutitut**

04. Suliassat naliginnaasut

Imm. 4.1 Borgmesterip aalajangiinera - Maniitsumi illoqarfiup qeqqani innarluutilinnik sullissivik, innarluutilinnut inissiat pillugit kommunip pilersaaruseriorfigineqarnerani tapiliussassatut nr. 62-itut siunnersuut

Imm. 8.1 Tamalaat

Ataatsimiinneq videokonference atorlugu ingerlanneqassaaq 27. maj 2021 nal. 08.30

Peqataasut:

Atassut

Emilie Olsen
Siverth K. Heilmann,
Anna Karen Hoffmann

Inuit Ataqaatigiit

Juliane Enoksen
Axel Lund Olsen
Carl Christian Olsen

Partii Naleraq

Jens M. Lyberth

Siumut

Malik Berthelsen
Gideon Lyberth
Hans Frederik Olsen
Evelyn Frederiksen
Frederik Olsen
Ruth Heilmann
Jakob Olsen
Erik Jensen

Nalunaaqqarlutik peqataanngitsut

**Imm. 1.1 Oqaluuserisassat akuersissutigineri
Aalajangiineq**

Imm. 3.1 Illoqarfimmi takujuminarsaanissamut aningaasaliissutit 2020-mi atunngitsuukkanik 2021-mi missingersuutinut nuutitsinissaq pillugu – tapiliussatut aningaasaliissutit

Journal nr. 06.02.04

Tunuliaqutaq

2018-imi oktobarip 28-ani 2019-mut ukiunullu missiliuuteqarfiusunut illoqarfimmi takujuminarsaanissamut aningaasaliissutinik 1,0 mio. koruuninik immikkoortitsinissaq kommunalbestyrelsimit akuerineqarpoq. Aningaasat illoqarfimmi takujuminarsaanissamut immikkoortinneqartut Sismiuni Maniitsumilu pitsangorsaanermut atorineqarput, ukiunilu 2018-2019-2020-imi aningaasat isumassarsianut assigiinngitsunut atorineqarlutik, ilaatigut Sisimiuni aqqusinerni qullersuarnut, aqqusinerni qullersuarnik juullerpaluttunik qulleeralersuineq allallu, 2020-milu takujuminarsaanissamut atugassat covid-19, taassumalu nassatarisaanik killilersuineq patsisaalluni atorineqanngillat, eqqumiitsuliortunik qaqqap sivinganertaani kusassaasussanik tikittoqartussaagaluarluni. Taamammat aningaasat 2020-mi atunngitsuukkat 2021-mut nuutsinneqarnissaat qinnutigineqarpoq.

Maleruagassatigut tunngavigisaaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Illoqarfimmi takujuminarsaanissamut aningaasaliissutit Teknikkimut Immikkoortortaqqarfimmit ataqatigiissaarneqarput, pisortaqatigiit aamma Arctic Circle Business suleqatigalugit illoqarfimmi takujuminarsaanissamut suliniutit piviusunngortinnissaannut pilersaarusiortarlutik. Taamaalilluni Arctic Circle Business Sisimiuni ujaqqanik kusasaanissamut pilersaaruteqaraluarpoq, Covid-19-ili peqqutaalluni pilersaarusiap suliarinissaanut aammalu allaffissornikkut suliaavallaanera peqqutaalluni angumerisinnaasimanagu.

Atuilluartuunissakkut kingunerisinnaasai

Ukioq 2020-mi Covid-19 peqqutaalluni aningaasat atorineqarsinnaasimannngitsut nuutsinikkut suliniutip sammisassatut pilersaarutini piaartumik ingerlanneqaqqissinnaanera atuilluartuuneruvoq.

Aningaasaqarnikkut allaffissornikkullu kingunerisinnaasai

2020-mi aningaasat immikkoortinneqartut atorineqarsinnaasimannngillat, tamannalu 2021-mi ingerlanneqassasoq kissaatigineqarpoq.

2020-mut missingersuutit:

Atuiffiup normua	Atuiffiup taagutaa	Aningaas.	Atuineq	Sinneri
562040600	Illoqarfimmik	1.000.000 kr.	-89.790 kr.	910.458 kr.
1001050000	takujuminarsaaneq			
122140765	Katillugit			
010500				
1-17-14				

2021-mut missingersuutit:

Atuiffiup normua	Atuiffiup taagutaa	Aningaas.	Nuunneqartut	Nutaamik aningaasaliineq

562040600	Illoqarfimmik	1.000.000,-kr	910.458 kr.	1.910.458 kr.
1001050000	takujuminarsaaneq			
122140765	Katillugit			
010500				
1-17-14				

Allaffeqarfiup naliliinera

Allaffeqarfiup unnersuussutigaa, aningaasat 2020-mi atunngitsuukkat 2021-mi naatsorsuusiorfiusumut nuutinneqassasut, Arctic Circle Business suleqatigalugu illoqarfimmi takujuminarsaanissamat suliniutinut piviusunngortitseqataassammata.

Innersuussut

Aningaasaqarnermut ataatsimiititaliamit akuereqqullugu allaffeqarfiup innersuussutigaa,

- 2020-mi illoqarfinnut takujuminarsaanissamat aningaasat 2020-mi sinneruttut 910.458 koruuniusut illoqarfinni takujuminarsaanissamat aningaasaliissutit 2021-mut nuutillugit katillugit 1.910.458 koruuninngortinneqassasut
- aningaasat 1.910.458 koruunit Arctic Circle Business-ip illoqarfinni marluusuni (Sisimiut aamma Maniitsoq) qaqqami/ujaqqanik qiperuisitsilluni kusassaatsinissaanut atorneqassasut

Aningaasaqarnermut ataatsimiititaliap suliamik suliarinninnera

Ataatsimiititaliap 16. februar 2021 ataatsimiinnermini innersuussutit akuersissutigivai.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- 2020-mi illoqarfinnut takujuminarsaanissamat aningaasat 2020-mi sinneruttut 910.458 koruuniusut illoqarfinni takujuminarsaanissamat aningaasaliissutit 2021-mut tapiissutit aningaasaliissutit nuutillugit katillugit 1.910.458 koruuninngortinneqassasut
- aningaasat 1.910.458 koruunit Arctic Circle Business-ip illoqarfinni marluusuni (Sisimiut aamma Maniitsoq) qaqqami/ujaqqanik qiperuisitsilluni kusassaatsinissaanut atorneqassasut

Aalajangiineq

Ilanngussat

1. Arctic Circle Business-imiit siunnersuut – The Legacy of Sisimiut.pdf

Imm. 3.2 Ilassutitut aningaasaliineq, Kulturikkut illorsuarmik Nipilersornermik Ilinniarfimmik Atuakkanillu atorniartarfilerlugu alliliineq

Journal nr. 06.02.04 ERP Suliniut 500082, atuiifik nutaangitsoq 74-20-11

Tunuliaqutaq

2019-imi februaarip 28-ani kommunalbestyrelsip ataatsimiinnermi Kulturikkut illorsuup Nipilersornermik ilinniarfimmik Atuakkanillu atorniartarfilerlugu allilerneqarnissaanut aningaasat sinaakkutaasut 22,135 mio. koruuninut iluarsissuteqarfivai, aammalu alliliinissamut Masantimit atugassatut siunnersuut akuersissutigalugu.

Malitsigisaanik pingaarnertut suliniut suliarineqarpoq aammalu suliasamat 2021-mi apriilip 26-ani suliariumannittussarsiuussisoqarpoq. Neqeroorutit arlallit tiguneqarput suliffeqarfimmillu akikinnerpaamik neqerooruteqartumik isumaqatiginninniarnernik aallartitsisoqarpoq.

2019-imiilli Namminersorlutik Oqartussat mittarfissuarnik marlunnik ilinniartullu inissaannik sanaartugassanik arlalinnik neqeroortitsinerisa kingorna sanaartortartuni sanaartugassaqarpallaalerneq pissutigalugu sanaartornermi akigitineqartut annertuumik qaffariaateqarnikuupput kiisalu sanaartornermi atortuni akigititanik annertuunik qaffaasoqarluni. 2020-mi juulimi Maniitsumi kommunip kingullermi suliariumannittussarsiuussinerani Ilaqutariinnut inerisaavimmut sanaartornermut akeq m2-mut 36,484 koruuniunikuuvoq.

Maleruagassatigut tunngavissat

Qeqqata Kommunianut karseqarnermut naatsorsuuserinermullu malittarisassat.

Teknikkeqarnermut ataatsimiititaliaq sanaartornermut suliasanut akisussaasuvoq.

Kommunip Kulturikkut illorsuaq B-1845 pigisarivaa, tassani ingerlanneqarnera Taseralimmut nammineq siulersuisoqartumut attartortitalugu.

Pissutsit atuuttut

Nipilersornermik ilinniarfik, Atuakkanik atorniartarfik kiisalu Taseralik oqaloqatigineratigut, illuatungeriit pingasuusut tamarmik akuersissuteqarnerisigut pingaarnertut suliniut suliarineqarnikuuvoq.

Nipilersornermik ilinniarfik ullumikkut akisuunik attartortarpoq nipilersornermut siunertalinnut ilaannakortumik atorneqarsinnaasunik.

Atuakkanik atorniartarfiup initai ullutsinnut naleqqukkunnaarput, qilaamut portussusaata pukkipallaarnera pissutaalluni ilaatigut atorsinnaanani aammalu toqqorsiviit oqoqarmata toqqorsivinnik atorneqarsinnaasunik peqarani.

Kulturikkut illorsuarmik alliliineq elevatorimik ilaqapoq. Kulturikkut illorsuarmik sanaartoqqaarnermi elevatori pilersaarusiornermi ilaanikuuvoq, kisiannili sipaarutaanikuulluni. Kulturikkut illorsuamik alliliineq aammattaq immikkut sulisunut perusersartarfinnik imaqarpoq, kulturikkut illorusuaq pioreersoq Sullivinnik nakkutilliisoqarfiup piumasaqaataanut tunngatillugu ikippallaanik perusersartarfeqarmat. Taamaalilluni kulturikkut illorsuarmik alliliinerup ilaa nutarsaaneruvoq aammalu kulturikkut illorsuarmik pioreersumik inatsisitigoortunngortitsinerulluni.

Minihalli naluttarfimmik ilassuserneqarnissaa pillugu pilersaarummik pigisaqartoqareerpoq, tamannalu timitalerneqarpat, illoqarfimmi kulturikut neqeroorutit ataatsimoortunngussapput, tassani innuttaasut filmeriarsinnaallutik, isiginnaartitsisunik isiginnaarsinnaallutik, atuakkanik atorniartarfimmiinnaallutik, minihalimi sungiusarsinnaallutik, naluttarfimmi nalunnguarsinnaallutik aammalu kulturikkut illorsuup cafe-taani nerisinnaallutik. Naluttarfimmik

alliliilluni sanaartornissaq aningaasaateqarfinnut qinnuteqarnikkut pinissaa naatsorsuutaammat, kulturikkut illorsuaq nutaamik atuakkanik atorniartarfilerlugu elevatorillimmik alliliineq, kulturikkut neqeroorutit tamakkiisunik taakkuninnga pilersitsiniarnermi kommunip nammineq tunissuteqarneratut isigineqarsinnaassaaq.

Atuilluartuunissakkut kingunerisinnaasai

Taseralimmi atuakkank atorniartarfimmik Nipilersornermillu ilinniarfimmik illumik ataatsimoortitsinikkut, kulturikkut immikkoortumi aamma ingerlatsinikkut aningaasaqarnermi pisariillisaasoqarnikkut ataqatigiinnerusumik sunniuteqarneq anguneqarsinnaassaaq, ilutigitillugulu kulturimut avatangiisit imminnut ataqatigiinnerusut siammasinnerusullu pilersinneqarsinnaallutik. Illut ataatsimoortinnerisut cafe, elevatori, perusersartarfiit, saqqummersitsisarfiit aamma igaffimmi atortut ataatsimut atorneqartussanngorlugit avinneqarsinnaalissapput.

Ataqatigiinnerusumik sunniutit anguneqarnerisigut, innuttaasunut kulturikkut neqeroorutit pitsaanerulissapput kiisalu Nipilersornermut ilinnarfimmut Atuakkanillu atorniartarfimmi inini oqorsarluakkani nutaani ataatsimut ingerlatseqatigiinnikkut innaallagissamut kiassarnermullu sipaarutissat anguneqarsinnaallutik.

Aningaasaqarnikkut allaffissornikkullu kingunerisinaasai

Nipilersornermik ilinniarfimmut ininik nutaanik pilersitsinermi ukiumut ineqarnermut aningaasartuutit ukiumut 0,4 mio. koruunit sipaarutigineqarsinnaapput.

Atuakkanik atorniartarfimmik nutaamik pilersitsinikkut maannakkut allaffissuup saniani atuakkanik atorniartarfiup initai allaffimmi ininut allangortiterneqarsinnaapput imaluunniit allaffissuup illutaata marlunnik quleriinnik allilierneqarnissaanut iluaqutissatut ingutserneqarlutik.

Akinik isumaqatiginninniarnermut atatillugu majuartarfeqarfinnut igalaat marluusunit ataaseq peerneqarnikuuvoq, biilnut inissiisarfimmik aqqusinermillu appakaaffissamik asfalterinissaq kommunip sannavianut suliassanngortinneqarnikuuvoq, Moelven akustikloft Troltekt akustikloft-imik taarserneqarluni, majuartarfeqarfinni perusersartarfimmilu iikkat qalipataanngitsumik iikkatut allangortinneqarlutik, majuartarfinnut ajaperfiit igalaaminiusuniit savimminernut allangortinneqarlutik kiisalu tunniussinissamut piffissaq 2023-mi juunip 30-anut kinguartinneqarluni. Taakku sanaartortunut aningaasartuutissani 2.181.143 koruuninik sipaaruteqarnermik kinguneqarnikupput, tamatumalu malitsigissaanik aningaasartuutini siumut ilimaginngisanik aammalu sanaartorfimmi ingerlatsinermi sipaarutinik katillugit 2.322.917 kouruuninik sipaarutissanik kinguneqarlutik.

Missingersuutini ukiumi missiliuuteqarfiusumi 2022-mi Sisimiuni Maniitsumilu kuuffissuarnik nutarsaanermi suliniutit 500149 aamma 500150 sumiiffinni marluusuni 3 mil. koruuninik qaffariarnikuupput, nalinginnaasumik aningaasat 2,484 aamma 1,015-inut sanilliullugu, ukiumut missiliuuteqarfiusunut ilanngunneqareernikuusut. Ruujorilerisut piffissami matumani ukiumi ataatsimi kuuffissuarnik nutarsaanissamut immikkut annertuumik suliqaarnissamut sulisussaqaanngillat, ullumikkut suliassani neqeroorutaareersuni malinnaanissamut ajornakusoortitsererput sularinninnerminnilu akulikitsumik kinguaattoortareerlutik. Taakku saniatigut suliqaarfimmi ulapaarfioereersumi suliniutinik mikisunik neqerooruteqarnissamut soqutiginnittoqaanngilaq. Ukiumi ataatsimi kuuffissuarnik nutarsaanermut immikkut 3 + 3 mio. koruunit taamaalillutik atorneqarnaviannngillat, sanaartortut ukiumi sanaartorfimmi ataasiinnarmi naammassisinnaanngimmata, aningaasallu taakku kulturikkut illorsuarmik alliliineranut nuutsinneqarnissaat siunnersuutigineqarpoq. Ukiuni arlalinni isumaqatigiissuteqarluni

neqeroortitsinermi tamakkiisumi ukkaqataqarluni imermut errortuivikumut pilersaarummut nutaamut naapertuuttumik kuuffissuarnik nutarsaanermik suliniutinik ataatsimut isiginninnerusumik neqeroortitsinermik nassaartoqarnissaa sulissutigineqassaaq. Kuuffissuarnik nutarsaanermi suliassani neqeroortoqarnissaanut kajumittoqarnissaa siunertaralugu neqeroortitsinernik pilersaarusiornissamut TAI pisariaqartitsivoq.

Kulturikkut illorsuarmik alliliinnera aatsaat 2023-mi naammassissaaq, taammaattoq sanaartornermik aningaasassat kingulliit aatsaat pisariaqartinneqalissapput 2023-imi. Innersuunneqarpoq sinneruttut 6,990 mio kr- nuutsinneqassasut 2023-i budget-ianut

Nuutsinerit aningaasanillu ilasinerit eqitsisinnngorlugit, aningaasat 1000 koruunit:

Suunera	Suliniut	Missingersuutaqqaartoq	2022	2023	Katinneri
Kuuffissuarnik nutarsaaneq Maniitsoq (ukiut sinneri 1.015)	500150	4.015	-3.000		1.015
Kuuffissuarnik nutarsaaneq Sisimiut (ukiut sinneri 2.484)	500149	5.484	-3.000		2.484
Ilassutit aningaasaliineq kulturikkut illorsuarmik alliliineq ukioq 2023		0		-6.990	
Kulturikkut illorsuarmik alliliineq, nipiliersornermik ilinniarfik, atuakkanik atorniartarfik	500082	22.135	+6.000	+6.990	35.125

Eqitsit sukumiinerusooq XL-inngorlugit atuiffinnut allattuivik ilanngussaaq 1-itut ilanngunneqarpoq.

Allaffeqarfiup naliliinera

Allaffeqarfiup nalilerpaa, suliniummi sipaarutissanik allanik nassaartoqarsinnaanngitsoq. Sanaartorfiuvoq eqqaani Atuarfimmi anitsiartarfeqarnera, kulturikkut illorsuup illutaanik pioreersooq aammalu Minihalip illutaa pissutaalluni appakaannissamut atugassarititaasunik ajornakusoortunik peqartoq, tamannalu inissititerinermut aningaasartuutinik qaffasissunik malitseqartoq. Ukiuni siullerni marlussunni sanaartornermut akigitat appasinnerulernissaat naatsorsuutigineqanngilaq. Kulturikkut illorsuup allilernerqarnissaanut akinik isumaqatiginninniarnep kingorna m2-mut akeq anguneqartoq immaqa qaffasippoq, kisianni Maniitsumi Ilaqutariinnik Inerisaavimmumut sanaartornermut akigitamut sanilliullugu m2-mut 58 koruunnik appasinnerulluni. Sanaartugassatut suliassanik aallartinneqartuni kingullerni marlunni sanaartornermut akigitat qaffasinnerat pissutigalugu aammattaaq ilassutitut aningaasaliisoqartariaqarnikuuvoq, Maniitsumi sulisunut inissianut aqqaneq-marlunnut 6,1 mio. koruunit aammalu Maniitsumi ilaqutariinnik inerisaavimmumut 2,4 mio. koruunit.

Kulturikkut illorsuarmik alliliinissaaq kinguartinneqassappat suliariumannittussarsiuussinerlu atorunnaarsinneqarluni, ukioq manna Sisimiuni kommunip sanaartugassaataanik aallartinneqarsinnaasunik naammassillugit pilersaarusiukkanik allanik soqanngilaq, taamaalilluni utoqqarnut inissiat aqqaneq-marluk aamma meeqqerivik 4 naammassineqarpata, Sisimiuni kommunip sanaartugaanik ingerlasuerutissaaq.

Atorunnaarsitsisoqassappat tigussaasumik isumaqassaaq, aningaasaliissutaasut 22,1 mio. koruunit pioreersut kingusinnerusukkut politikkikkut pingaarnersiunermi, 2022-mut missingersuutitut suliqaarnermut atatillugu tullissaani pisussamut, suliniutinut allanut arlalinnulluunniit

agguataarneqartariaqassapput. Tamanna pissappat naatsorsuutigineqarsinnaavoq, sanaartornermik suliniutinut allamut arlalinnulluunniit aningaasat atorneqarnissaata tungaanut ukiut pingasut ingerlassasut. Suliniutit nutaat pilersarusioqqaarneqarnissaannut imminut attuumassuteqarpoq, aammalu tamanna sioqqullugu missingersuutit nutaat inississorneqarnissaata saniatigut kommunip pilersarusiorneqarnerani tapiliussat qulakkeerneqassapput. Ukiut sisamat ingerlaneranni aningaasat nalingisa aningaasaliissutit 1,7 mio. koruunit missaani nalikillisissavaat.

Entreprenerit paarinniinnarnissamut piffissaliussaasat 31.5 naassaaq aammalu sanaartornermut atorussanik tunniussinissamut piffissaq sivisuujuvoq, taamaattumik aasamut suliamik aallartitsinissamut sukkasuumik paasisaqarnissaq kissaatiginarpoq.

Innersuussut

Teknikkeqarnermut ataatsimiititaliami siulittaasumut, Aningaasaqarnermut ataatsimiititaliamut siulittaasumut, Kommunalbestyrelsimullu innersuussutigineqarpoq:

1. Qulaani eqitsimmi allassimasutut 2022-mi sanaartornermut suliniummut 500082-imut 6 mio. koruuninik nuutsisoqassasoq.
2. 2023-mi immikkut 6.990 mio.kr.-inik aningaasaliisoqassasoq.
3. Neqeroorut isumaqatiginninniutaanikuusoq malillugu kulturikkut illorsuarmik aalliliinermik suliaqarnissaq aallartinneqassasoq

Siulittaasup aalajangiinera

Teknikkeqarnermut ataatsimiititaliami siulittaasooq 21. maj 2021 ataatsimiititaliaq sinnerlugu aalajangiivoq innersuussutigineqartut akuersissutigalugit. Ataatsimiititaliaq tullissaani ataatsimiilerpat paasissutisiissutigineqassaaq.

Borgmesterip aalajangiinera

Aningaasaqarnermut ataatsimiititaliaq sinnerlugu 21. maj 2021 borgmesteri aalajangiivoq, allaffeqarfimmit innersuussutit akuersissutigalugit. Aningaasaqarnermut ataatsimiititaliaq tulliani ataatsimiinnissaani aalajangiineq pillugu paasissutissiiffigineqassaaq

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

1. Qulaani eqitsimmi allassimasutut 2022-mi sanaartornermut suliniummut 500082-imut 6 mio. koruuninik nuutsisoqassasoq.
2. 2023-mi immikkut 6.990 mio.kr.-inik aningaasaliisoqassasoq.
3. Neqeroorut isumaqatiginninniutaanikuusoq malillugu kulturikkut illorsuarmik aalliliinermik suliaqarnissaq aallartinneqassasoq

Aalajangiineq

Ilanngussat

- 1 XL-ark nuutsinerit atuiffinnut allattuiffittallit
- 2 Pilersaarummut titartakkat quleriit 0-3, neqeroortitsineri suliniimmit titartakat saqqassallu.
- 3 Kulturikkut illorsuarmik Nipilersornermik ilinniarfilerlugu aammalu Atuakkanik atorniatarfilerlugu alliliinissamut missiliuut A 18.5.2021-meersoq.

Imm. 3.3 Suliniutip Inuunerissaarnej – Det gode liv-imut missingersuutitigut 2021-mut nuutsisoqarsinnaanerani qinnuteqaat - tapiissutitut aningaasaliissutitut

Journalnr. 06.02.04

Tunuliaqutaq

Kommunalbestyrelsi suliniummut 'Inuunerinneq – inuuneq tamaat' (taagutaa nutaaq Inuunerissaarnej – Det gode liv) aningaasaliissutinik tunniussaqarpoq ukiut 2020-2023 missiliititigut. Pissutsit assigiinnngitsut pissutaallutik 2020-p naanerani aningaasaliissutit tamakkerlugit atorneqarnissaat angumerineqarsinnaanngimmat, 2020-mit 2021-mut aningaasaliissutit atunngitsuukkat nuutsinneqarnissaat pillugu qinnuteqartoqarpoq.

Maleruagassatigut tunngavissat

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Suliniut 'Inuunerissaarnej – Det gode liv' 2020-mi 2.000.000 koruuninik immikkut aningaasaliissutinik tigusaqarpoq. Coronamut maleruagassat pissutaallutik aningaasaliissutit pikkorissarnissamut immikkoortinneqarnikut tamarmik atorneqarnissaanut periarfissaqarsimangilaq.

Aningaasaqarnikkut allaffissornikkullu kingunerisinaasai

Aningaasaliissutit eqimattanut 2020-mi.

Konto	Taaguutaa	Aningaas. (1.000 kr.)	Ilassutit (1000 kr.)	Aningaasaliis-sut nutaag (1.000 kr.)
545020000 0601025102 122140900 010500 500209-003 2-12-12	Ukiut tupinnaannartut (gruppe 3)	375	-123	252
545020000 0601025102 122140900 010500 5002	Kangaamiut-model (gruppe 4)	119	0	119
545020000 0601025102 122140900 010500 500	Inuttut ineriartornermut pikkorissarneq Ilaqutariit paarisartunut (gruppe 5)	116	0	116
545020000 0601025102 122140900 010500 500212-002 2-12-15	Tupatorunnaarnissamut siunnersortinngorniarnermut pikkorissaanerit (gruppe 6)	161	0	161
545020000 0601025102	Piginnaalersitsinissamut pikkorissarneq	150	-35	115

122140900 010500 500213-006 2-12-16	(gruppe 7)			
	Katillugit	921	-158	763

Atuilluartuunerup kingunerisinnaasai

Aningaasat pikkorissarnissamut immikkoortinneqartut, assigiinngitsunik siunertaqarput peqqissutsimut aammalu atugarissaarnermut tunngassuteqartunik innuttaasunut Qeqqata Kommunianilu sulisunut. Ukiup naatsorsuuseriffiusup tullianut aningaasaliissutit nuutsinneqarneratigit suliniutit ingerlanneqarnissaanut periarfissiisoqarpat, kommunimi inuunerissaarnermut ineriartortitsinermut siuarsaataassapput.

Allaffeqarfiup naliliinera

Allaffeqarfiup innersuussutigaa, aningaasaliissutit atorneqanngitsut 100.000 koruunik sinneqartut ukiup tullianut nuutsinneqassasut, suliniutit atuilluartuusut ingerlanneqarnissaaanut peqataasussaammata, aammalu suliniutit ingerlanneqannginnerini piareersarnissamut pissutsinillu misissuinissamut periarfissaqalissammat.

Innersuussut

Allaffeqarfiup Aningaasaqarnermut ataatsimiititaliamit innersuussutigivaa akuereqqullugu,

- Suliniummut 'Inuunerissaarnek – Det gode liv' ukioq mannamut 2020-mut aningaasaliissutit 763.000 koruunit sinneri 2021-mut nuutsinneqassasut.

Aningaasaqarnermut ataatsimiititaliap suliamik suliarinninnera

Ataatsimiititaliap 17. november 2020 ataatsimiinnermini innersuussutit akuersissutigivai.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Suliniummut 'Inuunerissaarnek – Det gode liv' ukioq mannamut 2020-mut aningaasaliissutit 763.000 koruunit sinneri 2021-mut nuutsinneqassasut tapiissutitut aningaasaliissutitut nuutillugit

Aalajangiineq

Ilanngussaq

Soqanngilaq

Imm. 4.1 Borgmesterip aalajangiinera - Maniitsumi illoqarfiup qeqqani innarluutilinnik sullissivik, innarluutilinnut inissiat pillugit kommunip pilersaaruserfigineqarnerani tapiliussassatut nr. 62-itut siunnersuut

Journal nr. 16.03.01.01

Tunuliaqutaq

Kommunip pilersaaruserfigineqarnerani tapiliussassatut nr. 62-itut siunnersuut Najugaqarfik Elisibannguap sullissiviup allilernerqarnissaanik kissaataa naapinniarlugu sulissutaavoq, taakkunani aallaqqaammut illunik marlunnik kingusinnerusukkullu pingasunik ilaneqarsinnaassalluni. Illut Maniitsumi kommunip allaffiata akiani nunaminertami sanaartorfiunngitsumi, ullumikkut immikkoortumik 700-A7-mik taaneqartumi sananeqassasut kissaatigineqarpoq.

Illut marluusut sananeqarpata sullissivik, qullersaqarfiup qanittuaniittoq inunnut qulinut inissaateqalissaaq. Ilanngussaq 2 aamma 3 suliniutip nassuiarneqarnera titartakkallu takuuk, illut marluusut tamarmik tallimanik inissaateqarput sullissiviup utoqqaanersaanut tulluarsakkanik, ataatsimoortarfiit sulisullu inaat ilanngullugit.

2018-imi suliniummut assingusumut inunnut innarluutilinnut sullissivimmik immikkoortoq A7-imi nunaminertamik atugassiisoqarpoq. Suliniulli massakkumut atuuttumut nutarterneqarnikuuvoq taamaalilluni pilersaarut siullermut nunaminertaq atuukkunnaarluni. Massakut suliniut ingerlanneqartoq immikkoortoq A7 nunaminertaq sanaartorfiunngitsumiissaaq. Immikkoortulli ilaa ilaqutariinnut inissiorfissatut naatsorsuussaavoq, taamaalilluni piviusunngortitsisoqassappat kommunip pilersaaruserfigineqarnerani tapiliussatut immikkoortup atorneqarneranik periarfissanik nutaanik sanasoqartariaqarpoq.

Kommunip pilersaaruserfigineqarnerani tapiliussassatut nr. 62-itut siunnersuut, ilanngussaq 1-imiippoq.

Kommunip pilersaaruserfigineqarnerani tapiliussassatut nr. 62-itut siunnersuut tamanut tusarniaassutigineqassaaq sap. ak. 8-ni. Kommunip pilersaaruserfigineqarnerani tapiliussassaq nr. 62 kingorna inaarutaasumik akuersissutigineqareerpat, suliniummut sullissineq nangeqqinneqassaaq.

Maleruagassatigut tunngavissat

- Immikkoortoq pineqartoq 700-A7 Kommunip pilersaaruserfigineqarnerani tapiliussassaq nr. 11. Kommunip pilersaaruserfigineqarnera 2012 - 2024 Innarluutilinnullu centeri pillugit kommunip pilersaaruserfigineqarneranut tapiliussaq il.il. Maniitsumi Ataqqap Aqq. aamma Ole Petersen-ip ataani inissisimavoq.
- Pilersaaruserneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu kommunip pilersaaruserfigineqarneranut tapiliussaq suliarineqarpoq.

Pissutsit atuuttut

Immikkoortup 700-A7 ilaa ullumikkut inissialiornissamut sanaartorfissaavoq (Immikkoortoq-A) immikkuualuttuni ataasiakkaani pingasunut A7.1, A7.2 aamma A7.3 agguagaalluni, takuuk kommunip pilersaaruserfigineqarnerani tapiliussassaq nr. 11. Immikkoortoq A7.1. ullumikkut inuit innarluutillit inissiaannik quleriiusunik sanaartorfiunikoq.

Immikkuualuttut A7.2 aamma A7.3 ullumikkut sanaartorfimmik ingutserisoqareernerup kingorna sanaartorfiunngillat taamaalilluni immikkoortuni sanaartortoqarsinnaalluni. Immikkoortoq nunaminertaq manissuuvoq taamaammat sanaartorfigeriaannaalluni. Kommuniip pilersaaruseriorfigineqarnerani tapiliussassaq nr. 11 atuuttoq malillugu, immikkuualuttoq A7.2 innarluutilinnut centerimik sanaartorfiussavaoq, immikkuualuttoq A7.3 ilaqutariinnut inissianut quleriikkaanut sanaartorfiussalluni.

Immikkuualuttuni nunaminertani A7.2 aamma A7.3 Namminersornerullutik Oqartussat Najugaqarfik Elisibannguap illunik marluusunik quleriinnik sanaartornikkut allilernissaa soqutigivaa. Kingusinnerusukkut illut ataatsimik tallimanik inissaatilimmik ilaneqarlutik pingasunngortinneqarsinnaapput.

Siunnersuut taperserniarlugu kommunip pilersaaruseriorfigineqarnerani tapiliussassatut nr. 62 sananeqarpoq. Kommuniip pilersaaruseriorfigineqarnerani tapiliussaq nutaaq marlunnik immikkoortoqarpoq.

- 700-A7, inunnut innarluutilinnut inissianik quleriinnik sanaartorfioreersoq
- 700-C7, immikkuualuttoq nutaajuvoq, immikkuualuttunut A7.2 aamma A7.3 atasooq. Immikkoortoq nutaamik atuinissamut aalajangersagaqalerpoq taamaalilluni inunnut innarluutilinnut inissiamik quleriimmik sanaartortoqarsinnaalerluni.



Figur 1: Planområdet, eksisterende forhold



Figur 2: Planområdet, fremtidige forhold

Atuilluartuunissakkut kingunerisinnaasai

Inunnut innarluutilinnut sullissiviup allilerneqarnera Maniitsumi ineriartornermut aammalu kommunimi suliffissaqartitsinissamut pitsaasuvoq.

Kommuniip pilersaaruseriorfigineqarnerani tapiliussaq nutaamik suliaqarnerup inunnut innarluutilinnut sullissivimmut nunaminertap atorluarneqarnissaa qulakkiissavaa, ullumikkut immikkoortoq A7-mi innarluutilinnut inissianik sanaartortoqareermat. Najugaqartut sullissivimmilu

sulisut aamma immikkoortup illoqarfimmi sullissiviit, pisinniarfiit il.il. qaninnerat atorluarsinnaassavaat.

Aningaasaqarnikkut allaffissornikkullu kingunerisinaasai

- Immikkoortoq nunagissarneqareerpoq, nunagissaanermullu aningaasartuuteqaqqittussaani.
- Sullissivimmi inissanngortussat quliusut (ilimanartumik 15-it) kommunimi suliffissaqartitsissapput akileraarnikkut isertitanik annerusunik kinguneqartumik.

Allaffeqarfiup naliliinera

Namminersornerullutik Oqartussat Maniitsumi inunnut innarluutilinnut sullissiviliorusunera kommunimut pitsaasuusoq, tassaniillutik suliffissat amerlanerusut allaffeqarfik naliliivoq. 2021-p ukiarsariartulernerani sanaartorneq aallartinneqassasoq Namminersornerullutik Oqartussat pilersaarutigivaat, Sermitsiaq-mi allagarsiussa takuuk, ilanngussaq 4. Suliniut taperserniarlugu tunngaviusumik pilersaarutip allannngornissaa pisariaqarpoq. Qulaanili allassimasutut allannguut annikippoq.

Ullumikkut Maniitsumi assigiinngitsuni inissialiorfissaqarpoq. Taamaattumik allaffeqarfiup nalilinngilaa, inissialiorfissap sullissivissamut allannngornera Maniitsumi inissialiorfissamut ajoqutaassasoq.

Kommunip pilersaarufiorfigineqarnerani tapiliussassatut nr. 62-itut siunnersuummut tunngatillugu, Maniitsumi illoqarfiup qeqqani biilit unittarfiannik amigaateqarunnaassaq immikkualuttooq C7 pisortatigit biilit unittarfissaattut naatsorsuutaammat.

Innersuussut

Allaffeqarfiup innersuussutigivaa Aningaasaqarnermut ataatsimiititaliaq sinnerlugu borgmesterip akuersissutigissagaa,

-Kommunip pilersaarufiorfigineqarnerani tapiliussassatut nr. 62-issatut siunnersuut akuersissutigineqassasoq sapaatillu akunnerini arfineq-pingasuni tamanut tusarniutigineqassasoq

-Tusarniaanermut piffissap qaangiunnerata kingorna kommunip pilersaarufiorfigineqarnerani tapiliussaq nr. 62 akuersissutigineqarnissaanut aningaasaqarnermut ataatsimiititaliaq Kommunilbestyrelsilu sinnerlugit borgmesteri pisinnaatinneqassasoq

Borgmesterip aalajangiinera

Aningaasaqarnermut ataatsimiititaliaq sinnerlugu 21. maj 2021 borgmesteri aalajangiivoq, allaffeqarfimmit innersuussut akuersissutigalugu. Aningaasaqarnermut ataatsimiititaliaq tulliani ataatsimiinnissaani aalajangiineq pillugu paasissutissiiffigineqassaaq

Innersuussut

Kommunalbestyrelsimut paasissutisiissutigineqarpoq.

Aalajangiineq

Ilanngussat

Ilanngussaq 1 Kommunimut pilersaarutip ilassutissaatut siunnersuut nr. 62

Ilanngussaq 2 Nunaminertamik qinnuteqarnermut atatillugu suliniuteqarnermik siunnersuut

Ilangussaq 3 Nunaminertamik qinnuteqarnermut atatillugu titartakkat nassiussat
Ilangussaq 4 Sermitsiaq nr. 16 2021-meersumit tigulaagaq, Namminersornerullutik Oqartussat
suliniut pillugu tusarniuteqarnerat.

Imm. 8.1 Tamalaat